





*Leyes docentium et disputantium in Fac.  
Philosoph. Acad. Witteberg*

DECANVS,  
SENIOR,

ET

RELIQVI FACVL-  
TATIS PHILOSOPHI-  
CAE PROFESSORES  
PVBLICI,


*Philosophiae studia uel tractantibus,  
uel adiuvantibus priuatim docendo,*  
S. P. D.



VITEMBERGAE,  
IMPRIMEBAT TYPIS CHRISTIANVS SCHROEDTERVS,  
ACADEM. TYPOGR.  
ANNO c15 15 CCII.

43

476



Vi in hanc Academiam ueniebant olim nouitii studiorum, iis apponi ex nostro Ordine custodes quasi, ac monitores solebant, qui uitam ipsorum, studiaque inspicerent, ac gubernarent. Quod institutum quantas utilitates attulit, cum obseruaretur; tanta post consecuta incommoda sunt, cum exoleuisset. Pauci callent ab se, quid facto opus sit: multos consortia praua corrumpunt, utcunque recta indole natos. Iam Ordinem studiorum quotusquisque tenet? Alius necessaria negligit, in non necessariis occupatur. Sunt, qui in parte perpetuo haereant; quam nec negligere, et totum debebant tenere. Inuenitur et istud hominum genus, qui, sine cortice natate se posse, existiment: et sibi metipsis discipuli iuxta sint, ac doctores. Quibus omnibus cauere possent, si essent, quos in consilium adhiberent discentes, et cum iam adhibuerint, aufcultarent. Nunc, cum sibi quisque et relinquatur, et sapiat, sane paucissimi officium faciunt. Et inde est, quod Auditoria fiant solitudines, et rari ad eruditionem adspicere, quae solida sit, et quiddam eximii promittere publico queat. De ceteris Facultatibus nihil attinet dicere: ad nostram quod est, nunquam instituuntur Candidatorum Magisterii examina, quin id abunde experiamur. Ita enim respondetur a non paucis, ut facile constet, inania potius, et obliuiscenda, quam necessaria, et quae in usu sint,

8  
fint, didicisse. Ceterum recte semper admouetur mor-  
bis manus; licet non semper feliciter, et cum successu.  
Quare, cum incumbat nobis uidere, ne quid res Philoso-  
phica detrimenti patiatur; atque cauere adeo, ne et im-  
pediatur commodi publici ratio, et dignitas Magistro-  
rum euilescat; in medium consulimus, qua ratione sisti  
haec labes, et in utrumque prouideri recte possit. Ac est  
persuasum nobis penitus, hoc maxime fonte manare  
malum: **QVOD NEGLIGVNTUR LECTIONES  
PVBLICAE; PRIVATAE HAUD RARO PERPE-  
RAM INSTITVNTVR.** Nam, multa quotidie  
committi, constat, contra sancita legum, et quae pru-  
denter maiores, summoque consilio, circa eas constitu-  
erunt. Quibus ut nihil neque utilius est, nec necessa-  
rium magis, ita cum primis uindicanda in lucem, ac u-  
sum denuo, atque iccirco descripta typis promulgan-  
da omnibus, quo notiora fierent, nec locus esset obten-  
turi, qui peti ab ignorantia aliqua posset, in praesenti sunt  
uisa. Praedecessorum nostrorum exemplo, qui ante  
annos fere XCIII, et denuo, ante annos hos nouem,  
eadem ita publicarunt. Quibus ut sua iterum consti-  
tuatur auctoritas, ac uis, priuatos Lectores omnes mo-  
nemus, ut, tempore ad id indicendo, quouis spatio se-  
mestri, apud Decanum conueniant, tum ut rationes  
reddant de administratis partibus; tum ut moneantur  
de iis paulo uberius, quae maxime illis tenenda de-  
inceps, et obseruanda fuerint. Ad publicas autem le-  
ctiones quod attinet, inuitare quemque ad illas frequen-  
tandas debebat, tum utilitas insignis Philosophiae, at-  
que praestantia, quae per se manifesta est, nec ullo uer-  
borum patrocinio indiget; tum, si quis consideret, quan-  
tum possit praeceptoris uox; et quantum intersit vere-  
rano

rano magistro, et qui subactus multo usu sit, eoque iudicio magis polleat, quam eo uti, in quo haec omnia desiderantur. Sed, quoniam nihil horum magnopere attendere nostri sponte uolunt, quaedam quasi aduouendae machinae sunt, quibus, quod impetrari alioquin haud potest, obtineatur. Constituumus igitur, sanximusque: *Ne quis deinceps, petiturus honores Magisterii, admittatur ad Examina, nisi qui rebus idoneis docuerit ante, ac demonstrarit, se Professores Philosophos, aut omnes ordine, aut maximam partem audiuisse, atque sic absoluisse disciplinarum orbem: aut sane praecipuas, cum Linguis, atque Mathematicis, quod leges exigunt, diligentius excoluisse.* Indignum quippe est, audire quem uelle Philosophiae Magistrum, qui in paucissimis partibus huic incubuerit, quam totam debeat tenere, mediocriter licet, et ut nullius plane disciplinae sit rudis. Quod cum et a Serenissimo ELECTORE PRINCIPE, Domino, ac Nutricio nostro Clementissimo, sit confirmatum, et in aliis Academiis obtineat, et a prudentibus probatum constet: nemo, putamus, periculosa cuiusdam nouitatis nos accusabit. Non temere quidem migranda consuetudo uetus est: sed, si cum utilitate insigni res ea coniuncta sit, religioni haud esse debet, uel tollere etiam uetera, ut noua, et meliora surrogentur. Nam usitatis iam, olim adificere aliquid, quod emolumento sit, tam extra omnem reprehensionem positum semper fuit, ut laude etiam dignum haberetur. Sed hoc de nostris tantum decre-

decretum uoluimus, non illis, qui peregre ad nos ueniunt, gradus huius petendi causa. Quibus tamen, ipfis quoque non temere ante patebit accessus, nisi uniuerso ordini probauerint, se in iis, in quibus uiixerint hactenus, aut iam nunc uiuant, Academiis, Auditionibus Philosophicis sedulo interfuisse, atque sic comparasse eam doctrinam, ac eruditionem, quae digna publico testimonio, tituloque uideatur. Cetera, quae hic fiunt perperam, et deterrere non paucos a petendo gradu hactenus consueuerunt, suo curabimus tempore, ut emendentur, quantum potest, aut remoueantur. Nam in utroque satisfaciendum officio est, uidendumque, ut ad indignos ne ueniant praemia, quae debebantur merentibus; et ne quid sit, quod horum conatus remorari possit. Nunc autem de eo Vos admonere oportuit, de quo praecipue cogitandum, ac primo. Quos norint mature, quas sibi implendas partes habeant, qui adspirare ad nostros honores deinceps uelint. Deum precamur, ut instituti hoc genus salutare sit literis, feliciterque eueniat; egregiaque studia e situ, et squalore uindicerentur, nec non ad priscam felicitatem efflorescant iterum, et fructus uberrimos in omnes Reipubl. partes diffundant, ac spargant. Ad tollendos autem, abusus, qui in exercitia disputationum publicarum, nec non collegiorum priuatorum irrepserant, HAE LEGES, communi omnium Philosophiae Professorum consensu, iam olim latae, et auctae nunc alicubi, sancitae fuerunt. P. P. Dominica XIII post TRINITAT. Anno clb Io CCII.

## I. LEGES DOCENTIVM.

1. *Qui in Facultate nostra legere, et docere uoluerint, Artium liberalium sint Magistri, et quidem ante annum, uel, ad minimum, eius dimidium promoti: quique eruditionis suae specimen per publicam Disputationem, sub Professore habitam, ediderint Auctores.*
2. *Isti nomina sua edant apud Decanum, qui eos in Matriculam Facultatis ordine inscribet.*
3. *Magistros uero, Facultatis nostrae Matriculae non inscriptos, hic legere, regere, aut disputare; Studiosos quoque tales audire, Interdicto Electorali iam olim prohibitum est.*
4. *Magistros quoque priuatim legentes decet bonum Facultatis prouirili procurare, eandem admi, legendo, uel disputando, adiuuare, Disputationes ordinarias uisitare, et publice quoque disputare.*
5. *Hanc in rem quilibet Decanorum omnes Magistros, priuatim legentes, sub initium sui Decanatus, semel conuocabit.*
6. *Conuocati Magistri eligant lectiones, et exercitia, eo semestri instituenta, et Facultatis de iisdem audiant iudicium. Nam, citra huius consensum, nemo quicquam interpretari, uel legere debet, sub poena, si secus actum fuerit, duorum Imperialium.*
7. *Cum primis autem Decanum, et Professore eius Scientiae, inquamque Lectionem, quotiescunque ea suscipitur, consentire necessum est. Quare nulla plane significatio ullius exercitii priuati fieri debet, nisi ab hisce imperretur uenia, et Decanus cum Professore eius Scientiae, in subnotatione nominis sui, ad programma testetur.*
8. *Electio exercitiorum priuatorum discrete instituat, ut diuersa diuersa seligant, et pleraeque Philosophiae partes eodem tempore praelegantur.*
9. *Legantur autem priuatim iidem Auctores, qui publica praelegi solent; at tamen per uices, ne ea, quae actu publice leguntur, eodem tempore a priuatis lectoribus proponantur.*



10. Quoniam exitiosum est communibus studiis, imperitam adolescentiam ab Auditoriis publicis in quibus Viri, tum SERENISSIMI ELECTORIS SAXONIAE, tum Senatus Academici iudicio probati, docent, abduci, sedulo caueant priuati lectores, ne horas, lectionibus publicis destinatas, occupent. sub poena, in antiquis Legibus expressae, duorum Imperialium.
11. Ad Exercitia autem domestica uacant, usque ad septimam matutinam, omnes, item, a decima ad primam meridianam, omnes; nec non a quinta uespertina reliquae. Mercurii denique dies, et Sabbati, praeter horas, quibus sacrae haberi solent conciones.
12. Nemo legat uellicatim, aut saltuatim, aut suas collectitias meditationes ad calamus discipulorum dictitet.
13. In Legendo quilibet ita uersetur, ut non nisi consona doctrinae publicae adstruat: et a nouandi studio sibi omnino temperet.

## II.

### LEGES DISPUTANTIVM.

1. Qui non tantum legere priuatim, sed disputare insuper uoluerit, non temere sibi praesidis partes sumat, nisi ante satis fuerit in hac palaestra, tam opponendo, quam respondendo, spectatus, et, post Magistri titulum, sub Praesidio Professoris Publici in hac Academia, uel Adiuncti, semel, atque iterum, Respondentis locum cum laude defenderit.
2. Has partes qui primo omnium tentare uelit, non alterius Professionis eligat materiam, quam, de qua antea publice responderit sub Professore.
3. Priusquam Disputatio publice proponatur, Decano, et Professore illius Scientiae unde Disputatio desumpta, octiduo ante exhibeatur, atque in geminis quidem exemplis, addita inscriptione, ne litera quidem, aut syllaba, inter se discrepantibus: ut alterum retineat Censor, prouocare quo possit, si super negotio aliquo, quod eo pertineat, quid controuersiae forte incidit.
4. Argumenta Disputationum non sint miscellanea, sed ad illustrandam unam aliquam doctrinae Philosophicae partem accommodata.
5. Aliena

5. *Alicna non admisceantur, et extra Philosophicas metas sita: quae cum latissime pateant, necesse non est aliarum Facultatem inuadere controuersias, aut eo Disputationem abripere.*
6. *Corollaria uel nulla sint, uel paucissima: eaque ab argumento Disputationis non prorsus aliena, affirmata insuper, uel negata.*
7. *In all'gandis Auctorum testimoniis delectus adhibeatur; nec minus modestia, in dissensu cum primis: nam a praeposteris, audaculisque censuris abstinentum maxime est.*
8. *Quod grauissimis rationibus ducti Publici Professores quandoque faciunt, id imitandum sibi Magistrorum quilibet protinus haud putet. Neque enim decent eadem omnes, nec licent omnibus omnia.*
9. *Thestum, in Disputatione exhibitarum, numerus pagellas IIX, a Collegio liberaliter concessas, non excedat.*
10. *Haebantur Disputationes Philosophicae diebus Mercurii, et Saturni, et inchoentur hora VIII autem meridiana, et II pomeridiana; finiuntur uero hora XI, et V. Tardius adueniens, finiensus, in Fiscum Facultatis Imperialem soluere teneatur.*
11. *Theses priuatarum Disputationum typis neutiquam mandentur, nisi e Professorum numero sit, qui praesideat.*
12. *Si responsio aliqua, uel oppositio displicuerit, liceat Decano, uel Professore praesenti, iuuentutis erudienda causa, amanter interfari. Neque enim uel Opponens Praesidem, aut Respondentem; uel Praefes, aut Respondens, Opponentem uerbis afficiat derisoriis, improbris, ac iniurijs quibuscunque; sed cum modestia, et tranquillitate uterque teneatur partes suas.*
13. *Summatim, sint Disputationes omnes sincerac, amicae, non clamorosae, aut odiosae; magis ad eruendam ueritatem, quam inuicem gloriam aucupandam accommodatae.*
14. *In negligentias, et excessus Magistrorum legentium Decanus animaduertet, et eadem corrigit: rebelles autem, cum consensu Facultatis, eo iugue a Lestione suspendet, donec satisfecerint.*

Ye 3447

ULB Halle 3  
003 033 120




Sb.

V317

03, 2001 Bd.







*Leyes Docentium et Disputantium in Fac.  
Philosoph. Acad. Witteberg* 42

DE CANVS,  
SENIOR,  
ET  
RELIQVI FACVL-  
TATIS PHILOSOPHI-  
CAE PROFESSORES  
PVBLICI,

*Philosophiae studia uel tractantibus,  
uel adiuvantibus priuatim docendo,*  
S. P. D.



VITEMBERGAE,  
IMPRIMEBAT TYPIS CHRISTIANVS SCHROEDTERVS,  
ACADEM. TYPOGR.  
ANNO MD CCII.

43 44

